




# Тост



## ВА ЯНА УЧАСТКА ВАКИЛИ ҲАҚИДА

Ўзноманинг 6-сонидаги ЎзССЖ ички ишлар вазирининг ўринбосари, милиция генерал-майори Рафур Раҳимовнинг «Участка вакилининг обрўйини ким оширади?» ва 11-сондаги милиция капитани Сиддиқ Сулаймоновнинг «Яна участка вакилининг обрўси ҳақида» деб номланган мақолаларини ўқиб чиққач, ўз фикримни ёзишга қарор қилдим.

Авваломбор, айти пайтдаги ишларимиз натижаси ҳақида қисқача сўз юритмоқчиман. Участка вакили Л. Кутимов билан биргаликда Беруний номли давлат хўжалиги ҳудудида хизмат қиламан. Хўжаликда ўн бир мингдан кўпроқ аҳоли истиқомат қилади. Мен хизмат қилаётган Бийбозор овул Совети ҳудудда жамоат тартибини сақлаш таянч пункти ҳам ишлаб турибди. Бу эса бизнинг ишимизни анча енгиллаштиради. Шу билан бирга ҳар хил тартиб-бузарликларни учун ички ишлар бўлимига келтирилган шахсларни жамоатчилик олдида муҳокама қилишда бу ердаги ўртоқлик судининг хизмати ниҳоятда катта. Чунки овулдошларни олдида изза бўлган ҳар бир фуқаро қадамини ўйлаб босадиган бўлади. Мана шунинг оқибатида кейинги бир йил ичда бизнинг участкада деярли жиноят содир этилмади.

Энди, айрим мулоҳазаларим билан ўртоқлашмоқчиман. Маълумки, кейинги пайтда участка вакиллари сафи кенгайтирилиб, янги кадрлар ишга жалб этилди. Бу айти муддао. Лекин ишга қабул қилинганларнинг деярли кўпчилиги қонунчилик илмидан мутлақо беҳабар ёшлардир. Бу эса, уларнинг ўз хизмат вази-

расини чуқур ўзлаштиришларида, ана шу сермашаққат ишнинг нозик қирраларини теран англаб олишларида қатор қийинчиликлар туғдиришмоқда. Ана шу томонларини ҳисобга оладиган бўлсак, менингча, милиция участка вакиллари сафига қонунчилик илмидан хабардор, иқтидорли ёшларни жалб этиш шарт.

Маълумки, туманимиз ҳудуди катта. Ана шу жойда 22 нафар милиция участка вакили хизмат қилмоқда. Уларнинг бор-йўғи 5 нафаригина транспорт, яъни мотоцикл билан таъминланган. Баъзи бир хўжаликлар туманимиз марказидан ўнлаб километр узоқ масофада жойлашган. Агар бирорта тартиббузарни ички ишлар бўлимига олиб келиш керак бўлиб қолса, ҳар кимларга илтимос қилиб машина топишга ҳаракат қиламиз ёки йўловчи транспортдан фойдаланамиз. Бу ишнинг қанчалик қийин эканлигини энди тушунаётгандирсиз. Ана шунинг учун ҳам аҳолининг қақриқларига кўпинча кечикиб борамиз. Бу эса, албатта, уларда норозилик кайфиятини уйғотади.

Тўғриси айтиш керак, Р. Раҳимовнинг мақоласини ўқигач, биров кўнглимиз таскин топти. Сабаби, раҳбарларимиз бизга ўхшаган участка вакиллари қандай қийин шароитда ишлаётганидан бохабар эканлар. Уйлайманки, менга ўхшаш милиция ходимларининг иш шароитларидаги муаммолар тез орада ижобий ҳал этилади.

**М. РАЖАПОВ,**  
Беруний тумани ички ишлар бўлими катта участка вакили, милиция капитани.

## ХОРИЖИЙ ТЎППОНЧА



ССЖИ Президентининг «Фуқароларда қонунсиз сақланаётган ўқотар қурооларни тортиб олиш тўғрисида»ги Фармони ижросини таъминлаш борасида Тошкент шаҳар Киров тумани ички ишлар бўлими ходимлари катта ишларни амалга оширишмоқда.

— Сўнгги ярим йил ичда туманимиз ҳудудида яшовчи фуқаролардан 550 тадан ортиқ ўқотар қурооллар ва 2 мингдан зиёд ўқдорилар, тан жароҳати етказишга мўлжалланган 200 тадан кўпроқ ясама лачоқ, 30 та қўл гранатаси, 4 та мина тортиб олинди. — дейди биз билан суҳбатда туман ички ишлар бўлимининг катта инспектори, милиция катта лейтенанти Х. Файзуллаев. — Булар ичда турли хил қўббола ва хорижда ишланган тўппончалар ҳам бор.

Тинтув қилиш пайтида қурол топилган ва уни қонунга ҳилоф равишда сақлаган уй эгаларига нисбатан жиноий иш қўзғатилиб, тергов ҳаракатлари олиб борилмоқда. Лекин бизнинг қонуналаримиз ниҳоятда инсонпарвар. Ўзбекистон ССЖ қонуналарида ўқотар қуроолларни қўнғилли равишда топширган шахсларни жиноий жавобгарликдан озод қилиш кўзда тутилган.

Биз қонуннинг ушбу томонларини халқ ўртасида тушутириб бормоқдамиз. Шу мақсадда маҳаллаларда, меҳнат жамоалари ҳузурида кўнраб суҳбат, учрашувлар ўтказиб бормоқдамиз.

**Р. АКБАРАЛИЕВ.**

СУРАТДА: «ИИВда аъло хизматлари учун» нишони совриндори, милиция катта лейтенанти Х. Файзуллаев (чапда) ва милиция капитани Х. Норбоевлар қуроолларни кўздан кечиришмоқда.

**Х. СОЛИХОВ** олган сурат.

## МУХБИРЛАР БИЛАН УЧРАШУВ

Жумҳурият ички ишлар вазирлиги матбуот маркази ва журналистлар уюшмаси ҳамкорликда ташкил этган матбуот конференциясида оммавий ахборот воситалари мухбирлари билан БХСС бошқармаси бошлигининг ўринбосари, милиция подполковниги А. Тиллаев учрашди.

А. Тиллаев йил бошидан бери вазирлик етакчи хизматларидан бирининг хо-

димлари томонидан амалга оширилган ишларга батафсил тўхталиб ўтди. Шу билан бирга бугунги иқтисодий тақчиллик сабаблари, чайқовчилик авж олиб кетгани, харидорлар ва мижозлар ҳақини уриб қолиш, уларни алдаш одатдаги ҳолга айлангани тўғрисидаги, жиноятчилар билан милиция ходимлари ўртасида тил бириктириш фактлари бор-йўқлиги ҳақидаги саволларга жавоб қайтарди.

СИЗНИ БАҲСГА ЧОРЛАЙМИЗ

## Фикр асосли бўлсин

сўзни кўшиш ҳаёлимизга келмайди, тўғрироғи истамаймиз.

Назаримда, ҳуқуқ-тартиботчиларга нисбатан ана шундай муносабатнинг юзга келишида маълум маънода рўзнома, ойнамалар ҳам айбдордир. Шуниси таассуфлики, ошкоралик деган тушунчани ҳар ким ҳар хил қабул қилади. Шу боис кейинги уч-тўрт йил мобайнида журналистлар томонидан бу масалага билиб-билмай, тушуниб-тушунома аралашши қоллари кўп учрапти.

Жумҳурият миқёсидаги нуфузли анжуманлардан бирини антиқа гап қўлоғимга чалинганди. Халқ депутатларидан бири ёзма равишда прокурорга мурожаат этиб, ўзининг кафилигида жиноятчини судга очкиликда юришига рўхсат сўраган. Шундай ҳулосага келиш мумкинки, ўшанда халқ

депутати ҳуқуқшунослик илмидан узоқ бўлганлиги туфайли хис-ҳаяжонга берилиб кетган ва оқибатда кулгили аҳволга тушиб қолган.

Халқимиз чумчуқ сўйса ҳақ қассоб сўйсин, деб бежиз айтмаган. Айрим журналистларимиз боляги депутат мисоли ўзининг тор мушоҳадасини ифодалаб, рўзномаларда катта-катта мақолалар эълон қилишгапти. Бу билан эса, аксарият ҳолларда, ҳуқуқ-тартибот муҳофазасида турганларни ёмонотлик қилиб, айти пайтда қонуналаримизга нисбатан халқ ишончисизлигини келтириб чиқармоқдалар.

Мен бу билан суд, прокуратура, ички ишлар фаолиятига бошқаларнинг аралашши мумкин эмас, деган фикрдан йироқман. Марҳамат, аралашшишсин, камчилигимиз бўлса, танқид қилишсин. Лекин

ўша танқид асосли бўлсин.

Бу борада биттагина таклифим бор. Ҳуқуқ-тартибот мавзусидаги мақолаларни эълон қилишдан олдин шу соҳа мутахассислари фикри эътиборга олинсин. Шундагина сиз ҳам куймайди, кабоб ҳам.

**Анваржон РЎЗИМАТОВ,**  
Фарғона вилояти Киров тумани ИИБ терговчиси, милиция капитани.

**МУҲАРРИРИЯТДАН:** халқимизда кенгаши тўй тарқамас, деган нақл бор. Биз ана шу нуқтан-назардан келиб чиққан ҳолда юқоридagi мактубни эълон қилдик. Унда баҳс-талоб фикрлар йўқ эмас.

Ўзноманимизнинг муҳтарам илхосмавлари, милиция капитани Анваржон Рўзиматов кўтарган муаммо бўйича сизнинг фикрингиз қандай? Хатларингизни кутамиз.

## ЎҒРИ АСКАР

Шу йилнинг 10 январида ўзбошимчилик билан хизмат қилаётган ҳарбий қисм ҳудудидан чиқиб кетган И. Холмонов Пскент тумани «Гулистон» колхозига келгач, фуқаро А. Мирсалимов хонадонидан 110 сўмлик буюмларни ўғирлаб колхоз шийпонидан тунайдди. 11 январь кўни Пскент шаҳри 1 Май кўчасидаги уйлардан бирига осилган қулф уни ўзига «мафтун» этади. Эшик қулфини бузиб А. Абдусаторованинг 300 сўмлик, шу кўчадаги М. Арслонованинг 1500 сўмлик буюмларини умаргач, Охунбобоев номли колхозда яшовчи Қутби Умаровага бир қисминин 91 сўмга сотади ва қолган-қутганини қабристонга яшириб қўяди. Уша кеч «Партия XXVI съезди» давлат хўжалигига келиб Р. Нурматовнинг 35 сўмлик этигини ўғирлаб, А. Умаралиев хонадонидан шахсий буюмларни олиб чиқиб кетаётганида жабрланувчи томонидан ушланди. И. Холмонов тергов жараёнида жиноятни қай йўсинда амалга оширганини сўзлаб бериш билан бирга яшириб қўйган нарсаларни ҳам кўрсатди. Қинғир ишнинг қийини чиқиб, у энди ўғирлиги учун жавоб беради.

**А. ОТАЕВ,**  
милиция майори.

... Ҳурматли муҳарририят! Кейинги уч-тўрт йил давомида матбуотда эълон қилинаётган ҳуқуқ-тартибот мавзусидаги мақолалар кўлимга қалам тутқазди.

Назаримда, кейинги пайтларда ички ишлар, суд ва прокуратура ходимларини ёқтирмайдиган кишилар кўпайиб бораёпти. Нима учун? Еки чиндан ёмонмизми?

Ундай десак, ишлаб турган вазифасига нолайиқ кишилар бошқа соҳада ҳам учраб турадими? Айтайлик, кўзингизга бакрайиб туриб, бирни ўнга, ўнни юзга пуллайдиган савдо ходимлари, «фалон минг сўм бўлмаса иложи йўқ» деб иршайдиган олий ўқув юрти домлалари, бепарволик оқибатида бир бечоранинг умрига зомин бўлаётган шифокорлар орамизда йўқми? Деярли ҳар кўни, ҳар кадамда дуч келамиз шундай нопок кимсаларга. Лекин ба-рибир милицияни сўкишни қанда қилмаймиз, формали кишиларнинг ўзлари мафияга шерик, дейишдан тап тортмаймиз. Айти пайтда ана шу давомизга «айрим» деган



# 1. КАЛАВАНИНГ УЧИ ТОПИЛДИ

Шу йил 17 февраль куни кеч соат 22 лар атрофида қизиқ воқеа юз берди. ДАН инспекторлари, милиция старшиналари Икром Исаев ва Қўчқор Эшмирзаевлар Китоб шаҳрининг Карл Маркс кўчасида тунги транспорт ҳаракатини назорат қилишга ётганди.

Фавқулодда пайдо бўлган яшил рангли «Нива» уларнинг эътиборини тортди. Чунки «ВАЗ-2121» белгили 79-18 ҚФЧ рақамли бу машина йўлнинг ёритилган қисмига кириб келса ҳам, олисни ёритувчи чироқларини ўчирмаган эди.

— Машинани тўхтатиб, ҳайдовчининг ҳужжатларини кўрмоқчи бўлдим,— дейди Икром Исаев.— Эшин очилгач, димоғимга жуда қўланса ҳид урилди. Машинада нима борлигини сўрасам, ҳайдовчи билмаслигини айтди. Роса нчиб олган бўлса керак, деб гумон қилдим. Шу пайт нариги томонда ўтирган аёл кутилмаганда қочиб қолиб, мени ҳам, шеригимни ҳам ҳайратга солди. Кейин билсак, машинада, биласизми, 280 литр спирт бор экан.

Маълум бўлишича, Китоб шаҳрида яшовчи, Шаҳрисабздаги вино-ароқ заводида қоровул бўлиб ишловчи Тамара Карпова ва машинадаги иккинчи йўловчи, илгари судланган Расул Каттаевлар 105-автокорхона ҳайдовчиси Эсонмурод Хуррамовни ўғирланган юкларни Шаҳрисабзга олиб бориб беришга кўндиришган экан. Яна шу

нарсая аён бўлдики, улар шунча маҳсулотни Китоб шаҳридан, яъни Шаҳрисабз вино-ароқ заводи чилангари Ҳаким Восиқов уйидан олишган.

Ҳар дақиқа ганимат. Китоб тумани ИИБ бошлиғи, милиция подполковниги Абдумуталиб Эргашев ўзининг оператив ишлар бўйича ўринбосари, милиция майори Ҳазрат Баҳриев раҳбарлик қилаётган гуруҳни зудлик билан Ҳаким Восиқовнинг уйига юборди. Негаки, шунча ўғирланган нарсалар билан савдо қилишга ақли етган шахс анойи эмас, ҳар дақиқада изни йўқотиши, ишни чигаллаштириши мумкин. Масаланинг ана шу жиҳати ҳисобга олиниб, тун бўйи унинг уйи яширин равишда кўриқлаб чиқилди.

Тонг отгач, тинтув бошланди. «Ўлжа» чакки эмас. 490 литр спирт (22 идишда), 69 шиша қўлбола ароқ, 2 минг дона қопқоқ, минг донага яқин ёрлиқлар, яна ширшанинг оғзини ёпишда ишлатиладиган асбоб ашёвий далил сифатида олинди.

18 февраль куни эса Қашқадарё вилоят ички ишлар бошқармаси БХСС бўлими бошлиғи, милиция подполковниги Бўрон Бўриев ана шу иш билан шуғулланаётган гуруҳга раҳбарлик қилишни ўз зиммасига олди.

Шу кунийё Ҳаким Восиқовнинг заводдаги алоҳида хонаси тинтиб кўрилди. Буни қарангки, қаҳрамонимиз 10 шиша ароқ, 5 мингга яқин қопқоқ ва ёрлиқларни



Ўғирлаб кетишга тайёр қилиб қўйган экан.

Ана шундан кейин иш янада ойдинлаша бошлади. Корхона чилангари Ҳаким Восиқов бояги нарсаларни бошқаларнинг кўзини шамғалат қилиб ўмароди, қоровул Тамара Карпова уни тўхтатиш ўрнига кўриб-кўрмаслиққа олади. Кейин улар ҳамкорлигини яна давом эттиришади. Яъни Тамара Карпова даллол вазифасини ўтарди.

Шундай қилиб, икки ҳамтовоқнинг жуда омадлари келган экан. Тамаранинг кўшниса Расул Каттаев, боя айтганимиздек, жумҳурият ЖМнинг 181-моддаси 3-қисми билан уч йил қамалиб чиққан. Бунақа ишларда унинг «суяги қотган» — айнан икковига ҳам мос келадиган мижоз.

Тамара Карпованинг тунтувириш хати билан танишдик. Унда ёзилишича, текин луқмага ўрганган бу шахслар шу пайтгача уч-тўрт марта енг ичида «олди-берди» қилишган.

Утган йилнинг ноябрь ёки декабрь ойида (қоровул аниқ

эслолмайди) Тамара Расулга 20 минг дона қопқоқни 10 минг сўмга пуллаган. Шунинг 6 минг сўминини Ҳакимга берган, нақд 4 минг сўм эса ўзига қолган.

Шу йил январь ойида эса 300 литр спиртнинг ҳар литрини 27 сўмдан олган Тамара мяжозси Расулга 30 сўмдан сотган. Мўмай пулниг 900 сўминини кассасига уриб, қолганини Ҳакимга тутқазган. Яна шу ойда улар биргаликда Расулга 5 минг дона «Рус ароғи» ёрлигини 2 минг сўмга сотишган.

Агар 17 февраль куни ДАН ходимлари уларнинг режасини чиппакка чиқаришмаганда, кам деганда 35-40 минг сўминини яна икковлон «арра» қилган бўлишарди.

Биз ҳозирча «ҳурматли» қаҳрамонларимизнинг исм-шарифларини атайлаб ўзгартириб ёздик. Чунки тергов ишлари олиб борилапти. Уларнинг барча сир-асрорларини ўрганиш жараёни ниҳоясига етгач, рўзномамиз мухлисларини батафсил хабардор қилиш ниятидамиз.

Раҳмон АЛИ.

## ЎҚ УЗИБ УШЛАНДИ

Телефон жириглади. Дастани навбатчи кўтарди.

— Эшитаман.  
— «03»дан кўнғироқ қилаялмиз. Ҳозиргина оғир жароҳатланган киши келтирилди. Пичоқдан яраланган.

Навбатчи воқеани зудлик билан бошлиққа етказди. Қумқўрғон тумани ички ишлар бўлими ходимлари ўша заҳоти туман марказий касалхонасига келишди.

Жабрдийда — туман мағлубот жамияти ҳайдовчиси Қўлодош Ражабов реанимация бўлимида эди. Унинг айтишича, илгари олти марта судланган, ҳеч ерда ишламайдиган Абдусалом Қурбон пичоқ урган.

Милиция майори Қурбон Битов бошчилигидаги оператив гуруҳ жиноятчини қидириш тадбирларини тузди. Уларга хабар қилишларида, ўша пайтда жиноятчи А. Қурбон узоққа қочиб қутила олмаган.

Ҳаммаси дадил эди. Водопровод кўчасида яшовчи сингисининг уйида яширинган эди.

Кўча оператив гуруҳ аъзоларига таниш бўлса-да, жиноятчи яширинган уй, унинг ўзи нотаниш эди. Бунинг устига у қуролланган бўлиши мумкин.

Тахмин милиция капитани Жуманазар Холтўраев, катта лейтенант Нурғали Муҳиддиновларнинг дадил ҳаракат қилишига ғов бўлолмади. Чунки узоқ йиллик хизматлари мобайнида бир неча марта бундай жиноятчи ва қотилларга дуч келишган, куч синишган. Ҳамиша енгиб, таҳсинга сазовор бўлишган.

— Кетдик, — деди Ж. Холтўраев дадил. — Қани, менинг ортимдан.

— Кетдик, — дея эргашди терговчи Н. Муҳиддинов. Ҳаммаси дадил эди. Водопровод кўчасига боришгач, дастлаб жиноятчини қуролни ташлаб чиқишга даъват этишди. Ичкаридан унинг «Сем кирса, пичоқ санчаман» деган пўписаси эшитилгач, Ж. Холтўраев эшикни очиб кирди. Унга эргашиб кирган терговчи Н. Муҳиддинов ўша заҳоти катта пичоқ кўтарган жиноятчига таслим бўлишни буюрди:

— Пичоқни ташла. Барибир ҳеч қаёққа қочиб қутула олмайсан.

Эшикка отилган жиноятчи биринчи дуч келган милиция ходимига пичоқни кўтарган эди, терговчи Н. Муҳиддинов яна оғоҳлангирди.

— Тўхта, отаман. Жиноятчи ҳаракатини сусайтирмади. Шу чоғ ўқ узилди. Қурол ишлатилиб, хавфли жиноятчи қўлга олинди.

Ҳамид РАҲМОНОВ.



СУРАТЛАРДА: 1. Туман ИИБ бошлиғи А. Эргашев, ДАН ходими И. Исаевлар қалбаки ароқ ва ёрлиқларни

кўздан кечиришмоқда. 2. З. Ашёвий далиллар. Эргаш ҚУЛМУРОДОВ олган сураатлар.

## АСАКАДА ЎЗГАРИШ БЎЛАДИМИ?

Кейинги пайтларда Асакада аҳвол бирмунча мураккаблашди. Чайқовчилар худди ўргимчак мисоли кўпгина савдо ташкилотларига ни қуриб олдилар. Ут очиш қуроллари билан одам ўлдириш, боқинчилик, талончилик, фирибгарлик ҳақидаги миш-мишлар аҳолини саросимага солиб қўйди. Шамоил бўлмаса, дарахтнинг учи қимирламайди, деганларидек, бу миш-мишларда жон бор эди.

Хуллас, ана шу муаммони жиддий ўрганиб, ижобий ўзгариш ясаш кун тартибидеги энг муҳим вазифага айланди.

ЎзССЖ ИИБ раҳбариятининг топшириғига мувофиқ ҳуқуқбузарликнинг олдини олиш бошқармаси бошлиғи, милиция подполковниги Уткир Комилов ва жамоат тартибини сақлаш бошқармаси бошлиғи, милиция полковниги Зайниддин Нажмиддиновлар раҳбарлигидаги махсус бригада Ленинск шаҳри ва Ленин тумани ИИБларига амалий ёрдам кўрсатиш мақсадида Андиджон вилоятига юборилган эди.

Биз Уткир ака Комиловдан сафар таассуротлари ҳақида гапириб беришларини сўрадик.

— Чиндан ҳам Асакада жиддий вазият юзага келган экан, — дейди суҳбатдошим. — Ишни вилоят ИИБ бошлиғининг ўринбосари, милиция полковниги М. Муҳиддинов раҳбарлигида оператив штаб тузишдан бошладик. Чунки ҳар бир нарсани ўз кўзинг билан кўриб, ишонч ҳосил қилишинг шарт.

Ўтказилажак тадбирлар режаси пухта ишлаб чиқилди. Ҳаракатларимизнинг самарали бўлиши учун вилоятнинг бошқа туманларидан 80 нафар участка вакиллари ва 50 нафар балогатга етмаганлар билан шуғулланувчи милиция ходимлари ҳам шу ишга жалб этилдилар.

Маҳаллий ҳокимият ҳам мақсадимизни тўла-тўқис қувватлади. 70 нафар кўнгилли халқ дўжиначилари сафимизга қўшилиб, ҳар ку-

ни бешта транспорт воситалари билан таъминланиб турди.

— Хўш, бу ҳаранатлар натижаси қандай бўлди?

— Кўнгилдагидек. Асакадаги аҳволни худди кўзгуда кўргандек аниқ билиб олдик. Чиндан ҳам ташвишли экан.

— Аниқроқ қилиб айтганда-чи?

— Ҳамкорлигимиз натижаси сифатида 8 кун ичида давлат ва фуқаролар мулкни ўғирлаш билан боғлиқ бўлган тўққизта жиноятни очишга муваффақ бўлдик. Булардан тўрттаси ўтган йили содир этилган экан. АВБдорлардан мотоцикл, телевизор, иккита магнитофон, радиоприёмник, «ВАЗ-2108» белгили автомобилнинг иккита гилдираги ашёвий далил сифатида тортиб олинди. Яна бир яхши ютуқ — бутуниттифоқ қидирувида юрган В. Деҳқонов қўлга олинди.

Очилмаган жинорий ишлар

ни содир этишда гумон қилинган шахслар билан шуғулланишга ҳам тўғри келди.

Қўшимча равишда бузилиб кетиш эҳтимоли бўлган 39 оила, фойдали меҳнат билан шуғулланмаётган ёки ўқимаётган 43 нафар ўсмирлар назорат остига олинди. 8 та қиморбозлар қароргоҳи ва 6 та фоҳишахона фош этилди.

Келишувимизга биноан бундай тадбирлар 20 февралгача давом эттирилди. Қолаверса, кенг жамоатчилик ҳамиётига тегадиган бундай иллатларни таг-томири билан тугатиш мақсадида ИИБ ва шаҳар ижроқўмининг 1991—1993 йилларга мўлжалланган ҳамкорликдаги ҳаракат режасини ишлаб чиқиш кўзда тутилаяпти.

— Бу айтганларингиз яхши, Уткир ака. Лекин ана шу долзарб муаммоларни амалга оширишга ўша ердаги милициянинг қурби етармикан?

— Жуда ўринли савол бўлди. Худди шу фикрни 13 февраль куни шаҳар Кенгаши ва шаҳар фирқа қўмиталари раҳбарлари иштирокида ўтказилган кенгайтирилган йиғилишда ўртага ташладик. Қизгин баҳс-мунозаралар бўлди. Ниҳоят ўсиб бораётган жиноятчилик йўлига ғов ташлаш учун ИИБ моддий-техника базасини ривожлантириш шарт, деган яқдил фикрга келинди. Энди яқин-орада шаҳар милициясига иккита енгил автомашина, тўртта мотоцикл берилади. 16 нафар участка вакиллари уйи телефонлаштирилади.

Энг муҳими — тинчлик посбонлари учун ниҳоятда зарур бўлган буюмлар — ўн та ёзув машинкаси, тўққизта рация ва бошқа жиҳозлар сотиб олиш учун 333 минг сўм маблағ ажратилди.

— Демак, Асакада нормал вазиятни вужудга келтириш борасида муҳим қадам қўйилди, деса бўлади...

— Шундай.  
Суҳбатдош  
Р. ҚОСИМОВ.



# КОМПЬЮТЕР ИШҚИБОЗЛАРИ

**БИРИНЧИ ЙИГИТ:** баланд бўйли, жингалак сочли, ёши 19 да, юзларида болаларга хос маъсумлик. Узига тўқ оиладан, моддий муҳтожлиги йўқ, олийгоҳнинг 3-курсда ўқийди. 14 ёшидан радиоэлектроника, информатика, программалаштириш билан шуғулланади. Ёшлигига қарамасдан ажойиб мутахассис.

**ИККИНЧИ ЙИГИТ:** 26 ёшда, оилали, 2 фарзанди бор, моддий таъминланган. Ёшлигидан радиоэлектроника, видеоаппаратура билан машғул бўлган. Қизиқишлари ҳар томонлама. Табиати мураккаб. 3-курсдан олийгоҳни ташлаган. Охириги иш жойи — ТошДД лабораторияларидан бирида муҳандис.

ча имкониятларини ишга солиш учун, бирон-бир янгилик учун ҳаракат қилишгандир-да, деб.

Асло ундай эмас. Тергов жараёнида улар мўмай даромад орттириб, бойиб кетиш мақсадида бу ишга қўл урғандекларига иқрор бўлдилар.

Биз милиция ходимларининг 20 кун чеккан машаққатлари ҳақидаги тафсилотларга тўхталмоқчи эмасмиз.

Маълумки, компьютерларни кўпчилик ишлатиш тугул, уни ўз кўзи билан кўрмаган ҳам. Компьютер нима ўзи? Бу бир томондан замонамиздаги энг қиймати баланд, талабгорлари кўп техника. Иккинчи томондан ижодий чекланмаган имконга эгаллиги, инсон меҳнатини изга солувчи, автоматлаштирувчи, энг муҳими вақтини иқтисод қилувчи асбобдир. Масалан, кичкина ҳажмдаги «Ямаха» компьютерида мультфильмлар яратиш, расм чизишни ўрганиш, расмлар тўпламини йиғиш ва уларни 14 хил рангга бўйиш, мавжуд 512 жилони қозғата тушириш мумкин.

Бу техника билан кимлар шуғулланишади? Биринчи навбатда тайёргарлиги бор мутахассислар, кейин эса билим даргоҳларида таҳсил олаётган толиблар. Ашаддий ишқибозларни ўзига ром қилувчи техника баъзан қалтис қадамга етаклайди. Мана шундай ишқибозлик Валера билан Алексейни жиноят тузоғига илтирдирди.

Ҳозир Тошкент давлат дорилфунуни ЭХМ синфида сукунат ҳукмрон. Бу ерда машғулотлар вақтинча тўхтатилган, толиблар овози эшитилмайди. Синфнинг орқа деворига «Программалаштириш — иккинчи савод» деган ёзув осиглиқ. Лекин инсон қанчалик савод чиқаришга интилмасин, у юзлаб, минглаб билимга интилганлар қизиқишига тўғаноқ бўлмаслиги лозим. Ҳар бир киши бойишни ҳавас қилади. Аммо аввало маънавий ва ахлоқий бойимоқ керак. Пул кўп — ҳаммасини ишлаб тополмайсан. Умр эса — ягона. Бурунгилар: «Пул қўлнинг кири, ювсанг кетади». — деб бежиз айтишмаган. Миллион сўмни ўғирлаб, қолган умрини ҳалол ва ҳалол ўтказган одамнинг номи барибир ўғридир.

**М. ИБРОҲИМОВА.**

**Борис ВАСИЛЬЕВ**



(Давоми. Боши аввалги сонларда)

— Дмитрий Григорьевич, бу ҳақда сира гапиргим йўқ. Очиғи жирканаман.

— Ким, нималар бўлмайди дейсан. Ҳаётда бундан беш баттарини кўрасан.

— Э мен ўзим ҳақимда эмас... Виждоним пок. Аммо Ревзин гўё менга китоб бергани ҳақида ўқиганимдаёқ бошқармадан кимдир уюштирганини тушундим. Худо шохид, Вадим деб ўйламагандим. Сизчи?

— Менми? Мен идеалист бўлсам керак. Сизлар ҳамма нарсани осонгина номи билан атаб қўйверасизлар. Ўзaro муносабатларда дадилроқсизларми, унча-мунчани юракка яқин олавермайсизлар. Буни сенга тушунтиришга қийналаман. Дўстларим мени қутқарган бўлса қутқарганлар-у, бирор марта ҳам хиёнат қилишмаган. Шунинг учун ҳам Сичевнинг қўлидан қабиҳлик келишига ўзимни ҳозиргача ишонтиришга мажбур қилмаётгандирман. Бу бўҳтонни тўқитганда нимага умид боғлаган экан?

— Балки эски раҳбарлик давридагидек ким ҳақ, ким айбдор эканлигини суриштириб ўтиришмайди, деб ўйлагандир, топшириқ берилса бас, кимнинг шўрига шўрва «ўқилади, бунинг аҳамияти йўқ эди. — Ким жим қолди.

— Левко билан Кривов унақалардан эмас. Худога шукурким, милиция ишида қонун ва адолат, мутлоқ ҳақиқат ва ошқоралик тантана қилмас экан, жиноятчиликни енгиб бўлмаслигини улар билишади. Ҳали кўпчилик милиция оғир касалликдан сўнг оёққа тураётганига ишонмайди. Ўғирлик юз берганидан Ревзин қанчалик ларзага тушмасин, шунда ҳам уч кун ўтказибгина бизга мурожаат қилишга журъат этди.

— Смолянинов Кимнинг қаршисида тўхтаб, гапни уламасдан сўради. — Дарвоқе, Ревзин ҳақида оғиз очишадими?

— Ревзиннинг исм-шарифи тилга олинди, Казаченкодан устахонада китобларни таъмирлашга тўғри келганими, деб сўрашди. У тезда йўқ-йўқлаб, устахонаси ҳозир бундай мутахассисларга эга эмаслигини билдирган. «Биттаси бор эди-ку, у ҳам нафақадорликка чиқиб, яқинда вафот этди», — деди. Сўроқ қилаётган терговчи китоб таъмирчисини эслаш

# Фурдончинг қайтарилиши

(ҚИССА)

пайтида Казаченко асабийлашганига эътибор берган. Яна бир қанча саволлар беришга тўғри келди. Охириқабат Казаченко қарияни ўлими куни унинг уйи яқинида кўргани аён бўлди.

— Ҳаммасими? Мен негадир ҳеч нарсани тушунмаяман.

— Ҳозир тушунтираман. Сўроқдан кейин терговчи олдимга протокол билан кирди. Менга қараб, тўсатдан галати гапни айтди: «Казаченко икковларининг устбошларинг ва жойларингни алмаштириб қўйса борми? Эгизакмисизлар?» Шунда мев Коптевнинг уйида ҳам биздан шу ҳақда сўрашганини эсладим. Ўйлашиб қолдим, фожиа юз берган пайтда Казаченко қариянинг ёнида турмаганмикан? Агар шундай бўлса, мени кўрган Ревзиннинг қўшниси қичқириб юборгани ва мен билан гаплашишни хоҳламагани сабаби билинади. Ревзин ҳақида сўз очилганда, нима учун Казаченко ҳаяжонлангани ҳам маълум бўлади. У қарияни уйи яқинида эмас, уйининг ўзида — йўлакда кўрган бўлса-чи? Қисқаси, бугун эрталаб барвақт Петропавловский торқучасига, Мария Степановна Сизова ҳузурига йўл олдим. У ўтган сафардагидек мени яна, юмшоқ қилиб айтганда, очиқ чехра билан кутиб олмади. Ревзин ўлган куни унинг эшиги олдида мени кўрганми-йўқми дабдурустдан сўрадим.

— Сизова нима деди?

— Сўрамаганим тузук экан, кўрқиб кетганидан нақ бўлмаса ҳушини йўқотаёзди. Аранг ўзига келтирдим. Казаченко ҳақида гапириб бермасам бўлмади. Ниҳоят ишониб, ҳатто чойга таклифлади. Кейин ҳаммасини оқизмай-томизмай сўзлади. Қўшниси йўлакка кирганини, овозидан ким биландир гаплашганини, аниқроғи, бақирганини эшитган экан. Сизова зинапоё майдончасига мўралаган. Қария зинапоёнинг юқорисиди, деярли майдончада турган ва йўлак эшиги олдидаги кишига қараб қандайдир пуллар, буюртмалар ва найрангбозликлар ҳақида бақирган. Кампир нима тўғрисида гап бораётганини тушунмаган. Кейин Ревзин тўсатдан жим қолган ва пастга қулаб тушиб инграган. Бояги киши югуриб келиб, уни кўтарган ва хонадонига етаклаган. Қария чўнтагига қўл солиб, калити билан эшигини очган, уни даҳлизга судраб кириб, ўша ерда қолдирган. Кампирга у нуқул орқаси билан турган, фақат чиқиб кетаётганда юзи билан у томонга қайрилибди. Шундагина у мени, тўғрироғи, Казаченконини эслаб қолган.

— Ҳали у айнан Казаченко эканлигини исботлаш зарур, — деди секин Смолянинов ўзига гапирётгандай.

Исботлашнинг ҳожати йўқ, — деди қизишиб Ким. — Казаченко ушланган пайтда унинг эғнида айнан кампир тасвирлаган пальто бўлган.

— Шунчаки ўхшашлик. — Йўқ, ўхшашлик эмас. Бундан ташқари мен Казаченко билан яна кўришдим. Унинг айтганлари Сизова кўргазмасига мос келади. Казаченко Ревзинни унинг уйи яқинида учратган, суҳбатлашиш мақсадида йўлакка кирган. Қолгани маълум. ...Бошқарма бошлиғи генерал Левко йўғилиш тўридан пастга, тингловчилар ҳузурига тушди.

— Бунинг тарихи жуда узоқ. Тахминан етти юз йил бурун бошланган. — Зал гувиллади. — Гап бундай. Москва ва Поталов найрангига оид иш билан шуғулланаётган терговчилар архивлар чангини хўб қоқишди. Улар топган материаллар асосида Чериха ва Великий дарёлари қўшилган жойдаги қадимги Новгород йўлининг кечуви яқинида ўн учинчи асрда қад кўтарган ибодатхона китоб кўчиришнинг йирик марказларидан бири ҳисобланган, деб тахмин қилса бўлаверади. Ибодатхона, шунингдек, уларни сақлаш ва тарқатиш марказига айлангани ҳам эҳтимолдан узоқ эмас. Нима бўлганда ҳам фаолияти тўхтамаган ибодатхона ертўлаларига беқиёс тарихий ва илмий қимматга эга юзлаб китоблар тушиб қолган. Асримиз бошида қимматбаҳо нашрларни ёддан чиқариб қўйишди. Унинг бебаҳолигини билибгина қўймай, энг узоқ форлардан бирида ёғоч сандиқа бегона кўзлардан пухта яшириб келган фақат бир киши бор эди. Бу — руҳоний Иннокентий Смерницкий эди. Ўзларинг биласизлар, инқилобдан кейин оз вақт ўтар-ўтмас ибодатхонани ётоқхонага мослаштиришиб, собиқ руҳонийни у ерга қоровул этиб тайинлашди. 1950 йили у ҳаётдан кўз юмди, аммо китоблардан ташқари черковга тегишли катта миқдордаги буюмлардан иборат қимматбаҳо меросни ўғли Пантелеймонга қолдиришга ўлгурди. Тўрт йилдан сўнг ибодатхонада вилоят ўлкашунослик музейи очилганда, Пантелеймон қоровулликка кўнди. Лекин худо уни отасига хос сабр-тоқатдан ва керакли вақтни кутиш умиди билан яшашдан қисганиди. Икки марта, 1967 ва 1982 йиллари Пантелеймон Смерницкий ажнабийларга турли черков буюмлари, шунингдек, хоҳларни сотишга уринаётганда милиция ходимлари томонидан ушланганди. Бу буюмлар музей ҳисобида бўлмагани сабабидан унинг иши судга оширилмади. Кейинроқ шу нарсани аниқландики, унинг харидорлари орасида чет элликлардан ташқари совет фуқаролари ҳам бўлган.

(давомы бор)



Милиция катта сержанти Ольга Кандакова кўпроқ эркакларга мос касб этагини тутганига ҳам 19 йилдан ошиб кетибди. Бу давр ичида у хизматдошлари орасида касбига меҳри, бурчига садоқати билан ўзига хос ҳурмат қозонди.

Тошкент шаҳар ички ишлар бошқармаси ҳузурдаги кўриқлаш бошқармаси ротаси милиционер О. Кандакова аъло хизматлари учун «Милиция аълочилиси» кўрак нишони билан тақдирланган.

**СУРАТДА:** О. Кандакова хизмат пайтида. Ҳабибулла ШОДИЕВ олган сурат.

## ҚОПДАГИ ЖОЙНОМОЗ

Тунги соат учларда туман ички ишлар бўлими ҳузурдаги кўриқлаш бўлимининг ходимлари, милиция катта сержанти Ботир Ғоилназаров, милиция кичик сержанти Бахтиёр Асановлар қоп орқа-лаган эркак ва унинг ёнидаги аёлга эътиборларини қаратишди.

Шубҳали шахсларнинг олдинга бориб, ҳужжатларини кўрсатишни, кечаси нима сабабдан юрганликларини сў-

рашди. Ёнида ҳеч қандай ҳужжатлари бўлмаган тунги йўловчиларга қарашли қоп ичидан жамаи 600 сўмлик буюмлар чиқди.

Бу қўли эгри шахслар ким бўлди экан, дея қизиқётгандирсиз. Мэрҳамат, танишинг: Кенжабой Мусаев — Калинин туманида истиқомат қилади, 1984 йилдан бери ҳеч қаерда ишламайди. Илгари чакки қадам босгани учун судланган. Шериги Мадина Адиятулина эса Татаристондан келган, у ҳам бекорчи.

Улар «ИИ-Интернационал» маҳалласидаги маҳтдан икки-та гилам, жойномоз ва бошқа буюмларни ўғирла-

ганликларини бўйнига олишди.

## МАСТЛИК ТОМ ТЕШТИРДИ

Кеч соат ўнларга яқин «Воспитачи» дўконига ўрнатилган ташвишгоҳ қурилмаси Коммунистик туман ички ишлар бўлими ҳузурдаги кўриқлаш бўлимининг марказлаштирилган соқчилик пункти ходимларини хушёр торттирди.

Милиция катта лейтенанлари Собит Маҳамбетов, Миртурсун Мирзараҳметов, Абду-

малик Зиёев ва милиция кичик сержанти Мавлон Дехқонбоевлар уч дақиқа ўтмасдан дўконга етиб келишиб, унинг атрофини қуршаб олдилар. Томни тешиб, ўғирлик қилмоқчи бўлган шахслар тезда қўлга тушишди. Паркент туманида истиқомат қилувчи, ҳеч қаерда ишламайдиган З. Зокиров ва «Гулбоғ» шўро хўжалиги ишчиси З. Юсуповлар эканлиги маълум бўлди.

Ароқнинг кучи билан томни бузиб, дўкон пештахталарини янада қашшоқлаштиришмоқчи бўлганлар бугун-эрта жазосини олади, албатта.

**З. ЭРҒАШЕВ.**



**ТУРМУШ САВОҚЛАРИ**

Хамминг оғзида бир гап:  
— Эшитдингларми, ануз су-  
юқоёқим кўчириб юборишиб-  
ди.  
— Ажаб иш бўпти-да...  
— Аллақачон шундай қилиш  
керак эди.  
— Вой, эшитдингларми, маж-  
лисдаям ёшлардан иккитаси  
қизариб-бўзариб зўрға гапи-  
рибди. Ана шулар кўчириш  
керак бу ердан, деган таклифи  
ни ўртага ташлабди. Катта  
кишилар оғизларига талқон  
солиб ўтиришганмиш.  
— Ҳа, кўпларининг тили  
қисикда.  
Муштарийлар ким ҳақида  
гап кетаётганини англама-  
гандир.  
Яқинда вилоятимиздаги жа-  
моа хўжалигининг бирида бў-  
либ ўтган мажлис ҳақида гап  
кетаётир. Шу ерлик аёл фар-  
зандлари бўлишига қарамай  
аввал пинҳона, кейинчалик  
бемалол фоҳишалик билан  
шуғулланиб келди. Қўни-қўш-  
ни, маҳалла эйтирозоларини  
эшитишни ҳам хоҳламади. Бо-  
ра-бора уйига ёш бегона қиз-  
лар ҳам ташриф буюрадиган,  
эркакларнинг кети узилмай-  
диган бўлди. Маҳалла аҳли  
фалон кўчаданмиш, дейишга  
ор қиларди. Болаларнинг кўз  
ўнгиде бўлаётган, кўчанинг  
катта-ю кичигига маълум бу  
беҳаёлик ҳақида хўжалик раҳ-  
барларига ҳам айтилди. Бир  
неча мажлисларда масалани  
кўтарган одамларнинг ҳақли  
таъналари эйтиборсиз қола-  
верди. Танобини тортадиган  
ҳеч ким йўқлигидан фойда-  
ланган «кўшмачи» эса тан сав-  
досини гуркиратди. Эҳ-ҳе, ис-  
ловатхона очган «тан савдога-  
ри» уйига не-не мезанинлар,

**ФОҲИША  
СУРГУН  
ҚИЛИНДИ**

не-не баҳодирлар пул олиб,  
пул бериб кетишмади. Ким-  
лар унга ўз «миннатдорчилик-  
лари»ни билдиришмади. Қан-  
ча чимилдиқ кўрмаганлар  
«ишқ шаробидан» муддатидан  
илгари тотиб кўришмади.  
Унинг ҳеч кимни назар-пи-  
санд қилмай, виқор билан  
юриши эса тобора маҳалла-  
дагиларнинг (айниқса, аёл-  
ларнинг) асабини чархлади.  
Сўнгги пайтда ҳеч кимнинг  
қўли етмаслигига ишониб  
ҳам қолганди.  
Ниҳоят навбатдаги мажлис-  
да кенгайиб бораётган исло-  
ватхона фаолиятига чек қў-  
йилди. Бир неча йиллардан бе-  
ри фасод боғлаган яра ёриб  
ташланди. Фоҳишани колхоз  
хўдудидан кўчириш таклифи-  
га йиғилганлар яқдил овоз  
бердилар.  
Колхоз ажратган машина  
юкларни ортиб йўлга тушар-  
кан, маҳалла аҳли енгил тин  
олди. Негаки, шу кунгача гўё  
кўча унинг жазманлариники-ю,  
улар эса ўзларини бегонадай  
ҳис қилишарди. Қўни-қўшни  
бир-бирларининг кўзига қар-  
рашга ботинмасди.  
Илгарироқ шундай қилинса  
бўлмасмиди? Менимча, тили-  
миз, динимиз, қадриятлари-  
миз, ор-номусимиз тиклана-  
ётганлиги, бу ишни амалга  
ошишига имкон берди.  
Аммо мана шу каби аҳлоқий  
бузуқлар жамиятимизда кам-  
ми? Ўз танларини сотиб кун  
кечираётганлар, ёш-ёш қиз-  
ларни тузоғига илтириб,  
мўмай даромад орттираёт-  
ганлар йўқми орамизда?  
Қани энди бошқа маҳалла,  
корхона, ташкилот аҳллари бун-  
дай ишларни бамаслаҳат  
амалга оширишса-ю, юр-  
тимиз нопоклар, беҳаёллар,  
турли қаланги-қасангилар ке-  
софатидан тозаланса.  
**М. ИСРОИЛОВА,**  
Тошкент вилояти.

**САРОБГА АЙЛАНГАН ОРЗУ**

Йўлга ҳозирлик кўраётган  
Люданинг хаёлини эшик  
қўнғироғи бўлди. У пала-  
партиш кийимларини чемо-  
данга соларкан, ўзича деди:  
— Ишқилиб, дугонажон-  
ним Елена бўлсин-да.  
Ҳақиқатдан кўча эшикда  
Елена кулиб турарди.  
— Айланай дугонажон,  
хўп омадимиз бор эканда,  
икки коробка сигарет гапла-  
шиб кўйдим. Пулдан чўз.  
Бу ёғи арра.  
Дугоналар хона ичкарисид-  
да сирли шивирлашиб олиш-  
ди. хоҳолаб кулишди.  
...Тайёра кўча парвоз  
қилганида, 100 блок «Опал»  
сигаретали дугоналар само-  
лёт салонига енгил нафас  
олар эдилар. Ҳаш-наш де-  
гунча, Тошкент қўналғасига  
Учқудуқдан тайёра келиб  
қўнди...  
Жарақ-жарақ, ўз-ўзидан  
оқиб келадиган сўмлар Еле-  
на ва Людани шошириб қўй-  
ди. Сирғали туманидаги энг  
гавжум бозорлардан бирида  
улар харидор излай бош-  
лашди. Бир зумда 1000 қу-  
ти сигаретани 1 минг 500  
сўмга оладиган учар олиб-  
сотарлар толиғанидан хур-  
санд бўлишди.



Бу ҳақида маълумот олган  
Сирғали тумани ички иш-  
лар бўлимининг БХСС опе-  
ратив вакили, милиция лей-  
тенанти Рустам Ибодуллаев  
олди-берди бўладиган жойга  
тезда етиб келди. Икки то-  
мон хурсанд бўлиб тарқала-  
ётган пайтда Рустам Ибо-  
дуллаев уларни таъқа тўх-  
татди...  
Воқеани нима билан туга-  
ганлиги ҳақида Сирғали ту-  
мани ички ишлар бўлими

ҳодимлари бизга маълум қи-  
лишади, деган умиддамиз.

**Ҳабибулла ШОДИЕВ.**

**СУРАТЛАРДА:** 1. БХСС  
оператив вакили, милиция  
лейтенанти Рустам Ибодул-  
лаев олибсотарларни қўлга  
олиш пайтда.  
2. 3. Мусодара қилинган  
«Опал» сигареталари.  
4. Икки дугонани тузоғига  
илтириган пуллар.  
**Муаллиф олган суратлар.**



**ОРТИҚЧА** сўз бефойда.  
Вақтнинг ўзи ички ишлар  
ҳодимлари зиммасига гоёт  
катта масъулият юклангани  
кўрсатиб турибди. Уюш-  
ган жиноятчилар гуруҳи со-  
ни ўсиб бораётганлиги  
тартиббузарларнинг «сафи»  
кенгайиб кетаётганлиги ми-  
лициянинг бир ишига ўн иш  
қўшмоқда.  
Яқинда Каттақўрғон шаҳ-  
ридаги Абдулхамид Мажи-  
дий номли ўзбек давлат дра-  
ма театри ижодий жамоаси  
мухлислар ҳукмига ҳавола  
этган «Сўнгги қўнғироқ»  
саҳна асари осойишталик  
посбонларининг машаққатли  
меҳнатлари ҳақида ҳикоя  
қилади.  
Саҳнада ҳар бир томоша-  
бин қалбини ларзага солади-  
ган даҳшатли кўринишлар,  
қонли воқеалар ҳаётини акси-  
ни топган. Айниқса, жиноят-  
чилар томонидан милиция  
ҳодимини ҳийла-найранглар



**ЯНГРАБ ТУР, ҚЎНҒИРОҚ!**

туфайли «қопқон»га тушири-  
лиши, унга берилган азоб ва  
қийноқлар ишонарли кўрсат-  
тилган. «Сўнгги қўнғироқ»  
драмаси томошабинлар қал-  
бига милиция ходимлари ҳам  
эл фарзандлари эканликла-  
рини, уларда ҳам юрти ва  
халқига меҳр-садоқатлари бе-  
қийёслигини яна бир бор  
сингдирди.  
Драма муаллифи ССЖИ  
ёзувчилар уюшмаси аъзоси,  
эътиборли шоира Эркатош  
Шукуровадир. Шоира қала-  
мига мансуб шеърлар «Ўзим  
бўлиб яшайман» асари орқа-  
ли назарга тушган. Спектакл-  
ни эса Каттақўрғон театри-  
нинг бош режиссёри Равшан  
Ериев истеъдодли актёр Да-  
врон Қодиров билан ҳамкор-  
ликда саҳналаштирган. Бе-  
заklarни рассом Зокир Қо-

булов ишлаган.  
— Театримизда ички иш-  
лар идоралари ходимлари  
ҳаёти, фаолияти, уларнинг  
жиноятчиликка қарши олиб  
бораётган курашлари ҳақи-  
даги асарлар мунтазам кў-  
йиб борилмоғи зарур. Томо-  
шабин ҳам ўртада беаён жанг  
бораётганини ҳис қилиб тур-  
син, — дейди театр директо-  
ри Абдурахмон Сафоев.  
Шу маънода «Сўнгги қўн-  
ғироқ» кўпчилик эътибори-  
ни қозонмоқда. Асосий рол-  
ларни Ўзбекистонда, хизмат  
кўрсатган артист Ширин Му-  
саева, етакчи санъаткорлар  
Мўмина Абдурашидова, Да-  
врон Қодиров, Қилич Иброҳи-  
мов, Гулистон Жабборова-  
лар маромига етказиб икки  
этишганлари таҳсинга сазо-  
вордир.

Асарнинг номи «Сўнгги  
қўнғироқ» деб бежиз атал-  
маган. Унда акс эттирилган  
воқеалар уйқу оғушидаги  
виждонни уйғотиш учун ча-  
линган қўнғироқдир. Ҳали  
фуркат бор экан, йўқолган  
имонларимизни тиклайлик,  
кўзларимизни очайлик. Ена-  
трофимизни, табаррук юр-  
тимизни ўғриллардан, талон-  
чи, фирибгар, қотиллардан  
тозалайлик. Ишқилиб, вижд-  
онларимиз уйғонгунга қа-  
дар қўнғироқ овозлари тин-  
май турсинда.  
**Абдуазиз ҲОШИМОВ,**  
Каттақўрғон шаҳар ма-  
даният уйи ходими.

(Рўзноманинг навбат-  
даги сони 7 март кuni  
чиқади).

**МАШИНА  
КИМНИКИ?**

ЎзССЖ ИИВ тергов бош-  
қармаси томонидан текин  
даромад орттириш мақса-  
да машина олиб қочиш  
билан шуғулланганларга  
дахлдор жиноий иш текши-  
риб чиқилмоқда.  
Жиноятчилар томонидан  
1989 йил октябрь-ноябрда  
Тошкент вилояти Чиноз ту-  
манидаги балиқ бозори ол-  
дидан «ВАЗ-21061» белгили  
автомашина олиб қочилган.  
Мазкур автомашинани кимга  
қарашли эканлигини аниқ-  
лаб бўлмапти. Шунинг  
учун машинасини ўғирлат-  
ган фуқаролардан 39-70-57  
ва 39-71-41 рақамли теле-  
фонлар орқали ИИВ тергов  
бошқармасига мурожаат қи-  
лишлари сўралади.



**Тўлқин ТЕМИРОВ**

ЎзССЖ ИИВ жамоат тар-  
тибини сақлаш бошқармаси-  
нинг бўлим бошлиғи ўрин-  
босари, милиция майори  
Тўлқин Қўчқорович Темиров  
41 ёшида жиноятчилар қў-  
лида фожиали ҳалок бўлди.  
Узоқ йиллар хизмати даво-  
мида Тўлқин Темиров ўз кас-  
бининг устаси, мард, мато-  
натли инсон сифатида танил-  
ган эди. «ИИВ идораларида  
бенуқсон хизмати учун» иншо-  
нига сазовор бўлганди.  
У ИИВ идораларида ишн  
1981 йили хизмат бўлими нис-  
пекторлигидан бошлади. 1989  
йилдан ўз хизматини раҳбар  
лавозимларда давом эттирар  
экан, Тўлқин Темиров диққат-

этиборини аввало ёш хо-  
димларга қаратиб, уларга ма-  
шаққатли милиция хизмати-  
нинг нозик томонларини ўр-  
гатиб борди. У ҳозиржавоб-  
лиги, ўзига ва қўл остидаги  
ҳодимларига нисбатан талаб-  
чанлиги туфайли жамоа ўрта-  
сида катта обрў қозонди.  
ЎзССЖ ИИВ жамоаси Тўл-  
қин Қўчқорович Темировнинг  
бевақт вафот этганлигини чу-  
қур қайғу билан билдириб,  
унинг оила аъзоларига, қа-  
риндош-уруғларига таъзия из-  
ҳор этади.  
Тўлқин Қўчқорович Теми-  
ровнинг хотираси қалбимизда  
абдий қолади.

Муҳаррир  
Зокир ОТАЕВ.

МАНЗИЛГОҲИМИЗ: 700029, Тошкент, Лопатия кўчаси, 1.

Ўзбекистон Компартияси Марказий Қўмитаси нашриётининг Меҳнат  
Қизил Байроқ ордени босмахонаси. 700083, Тошкент, Ленинград кўчаси, 32.

Телефонлар: Муҳаррир — 32-38-86,  
муҳаррир ўринбосари — 39-77-23,  
37-23, 46-56 (ички).

«ПОСТДА» —  
(«НА ПОСТУ»)  
Орган коллегии МВД  
ЎзССР